

**Ex historia naturali de vegetabilibus magicis generatim / Disserent M. Jo.
Henr. Heucherus ... & Joannes Fabricius.**

Contributors

Heucher, Johann Heinrich, 1677-1747
Fabricius, János, active 1700.
Universität Wittenberg

Publication/Creation

Wittebergae : Typis Johannis Hakii, 1700.

Persistent URL

<https://wellcomecollection.org/works/qg29gzbs>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>




28,586/A

A-XL
18/L

26. L.

10. B



41363

6 3
1423

Q. B. V.

EX

HISTORIA NATURALI

DE

**VEGETABILIBVS
MAGICIS**

generatim different

M. JO. HENR. HEVCHERVS,

VINDOBONENSIS

&

JOANNES FABRICIVS,

Rosnavia Hungarus.

S. S. Theol. & Phil. Cult.

WITTEBERGÆ,

Typis JOHANNIS HAKII, M DCC.



JOANNE'S HABITUAE

ΑΓΙΑ ΜΗΛΑΝΗ ΙΩΑΚΟΥΗΛ

Saepe multumque mirari subit, quod fuerit factum, quod plerique fere tam famae celebritate, quam illustrium factorum magnitudine Clarissimi Viri, in malarum illicitarumque artium, imo ipsam occulti alicuius cum daemone initio pacti suspicionem venerint. Nam ut nunc dimittam horrendas Ebreae gentis in *SERVATOREM* blasphemias, & Hieroclis, eundem cum sanctissimis discipulis suis, *PETRO* in primis & *PAULO* Magiae insulantis proterviam, nec non impia Plinii & Apuleii in *MOSEN* convitia, falsasque Theophili Alexandrini Eustathiique; Antiocheni de *ORIGENE*, Arianorum de *ATHANASIO* suspiciones: magna solum *PYTHAGORAE*, *PLOTINI*, *IAMBlichI*, *PORPHYRII*, *CHICI AESCVLANI*, *ANSELMI PARMENSIS*, *PETRI DE APONO*, *ALBERTI M. TRITHEMII*, *HENR. CORN. AGRIPPAE*, *MICH. SCOTI*, *ROGERII BACONIS*, ipsorum denique *STLVESTRILL*. & *GREGORII VII*. Pontificum Maximorum nomina obverstantur animo, quae in famosorum catalogos Magorum relata reperiuntur. De quibus tamen omnibus haud obscure constat, illustres & maximi nominis extitisse viros, quos & excelsa animi ingeniique indoles a vulgo literatorum distinxit, & civilis prudentia, Matheseosque ac naturae exquisita cognitio ita instruxit, ut horum ope abstrusissimum qvarumcunque rerum scientiam adepti sint, & doctrinae suae splendorem ad posteritatem etiam transmiserint, adeo, ut supervacuum fere videatur esse, si quis eos, scripta ad imitationem *GABRIELIS NAUDAEI* Apologia, defendere velit, quicquid etiam ad augendam corundem ignominiam ac suspicionem *YOETIUS* cum aliis nonnullis molitur. Ast desii tum magnopere mirari, cum assiduam virtutis comitem invidiam obculos mihi ponerem, & quantum haec valeat penitus expenderem, quin & subductis probe rationibus colligerem, haud leve, forsitan ad captandam tanti criminis culpam momentum conferre potuisse, pessima & nullo non saeculo obvia nefariorum praestigiatoz.

giatorum exempla, qvalia, ne in veterem sacram pariter atque profanam historiam excurrat, recentiores *FAVSTI DOCTORIS*, *ZEDECHIAE IVDAEI*, *SCOTI PARVI*, *CHRISTOPH. WAGENERS*, *TROIS ESCHELLES*, *MERLINI & MAVGIS* relationes, aut si cum Naudaeo mavis Romans Magiqves suppeditare possunt. Qvorum præstigiae & multiplices fallaciæ, et si cum admirandis illis, qvae artis doctrinæ que subsidio praestiterunt operibus, conferendæ neutiquam sint, nihilo tamen min⁹ gloriae eorundem, in spissa præsertim seculorū qvibus vixere ignorantia ita offecerunt, ut indelebilem infamiae notam iis inusserint. Ea enim aevi istius erat ruditas & imperitia, ut eminentiorem qvemvis doctrinæ gradum, communem sortem supergressum, in vitium traherent, & depravatis abrepti affectibus, ex foedissimo inferorum lacu haustum praepostere iudicarent.

§. II. Et sane aequivius aut accuratius iudicium ab istis hominibus vix ac ne vix qvidem expectari potuit, siqvidem praeter pudendam in literis ruditatē, omnino etiam veræ Magiae ignari fuerint, qvae ambitu suo summum omnium scientiarū apicem absolutissimamque perfectionem, cuius ope rari, arcani, insolitiqve effectus producuntur, complectitur. Absit enim ut eorum opinioni accedam, qvi omnem Magiam cum *THOMA ERASTO*, & qvi hunc defendit, *GEORGIO HORNI* rejiciunt, & velut illicitam ac infamem condemnant, qvandoqvidem omnes illae qvas hactenus in medium attulerunt rationes, haud uno defecetu laborent, & si qvid probent, nil tamen aliud evincant, qvam legitimū rei usum, qvod saepissime fieri afolet, abusu corruptum depravatumque fuisse. Qvod qvi non advertunt discrimen, vix caute satis progrediuntur, & in legitimae Magiae dignitatem iniurii ac iniquiores paulo sunt, sicut ex adverso isti plus iusto liberaliores putandi, qvi illicitam Magiam, qvam & prohibitam, diabolicā, præstigioriam, transnaturalem, Woarchadumiam, veneficam, nigram, foedam, sordidam, fraudulentissimam arti-

um, infamem, ~~xaxerexvias~~ &c. alias vocare solent, pleno ore inficiantur. Hi quippe vel nullos esse credunt Daemones, ut *DEMOCRITVS*, *AVERRHOES*, *SIMPLICIVS*; vel omnes effectus bonis adscribunt angelis, quos per excellentiam spiritus appellant, iisque aerem nostrum plenum esse contendunt, ex quorum ordine sunt *PLATONICI*, *IAMBlichus*, *PORPHYRIVS*, *PROCLVS* & *IVLIANVS IMP.* vel ex occultis & magneticis qualitatibus, peculiarique temperamento cum *AVICENNA* & qui hunc sequitur *PETRO POMPONATIO* omnia oriri putant; vel ad delirium, melancholiam, aliosve naturales morbos cum *REGINALDO SCOT* plurima referunt: vel denique ex sensu rerum universali cum *THOMA CAMPANELLA*, aut Ideis operaticibus cum *MARCO MARCI* potiora capita deducunt. In quem censem etiam *CORN. LOOSEVM*, *GALLIDIVM GOVDANVM*, *ROBERTVM FLVDD* a *FLVCTIBVS*, *IOANN. WIERVM*, *BODINVM* & alios plures facile retulerim, cum hos beneficiis non obscure fuisse, ex scriptis eorum videre liceat.

§. III. Librato itaque utriusque sententiae pondere, veritati quam maxime consentaneum erit, imo tutissimum statuere, non omnem omnino negari ac destrui posse Magiam, cum sine dubio talis reperiatur, quae & vitio careat, & eximiam quoque laudem mereatur. Quamvis lubens meritoque concesserim, fieri utique posse, ut innoxiae illi haud raro infame quid ac diabolicum admisceatur, perinde atque impura illa sub licita schemate non raro incedit, variaque ab ipsa saepe natura petita desumit, quibus non ut signis sed ipsissimis effectuum suorum causis utitur, quod antiquissimos Magorum jam tamen fecisse *LVCANVS*, *STATIVS*, *SENECA*, *TRAGOEDVS* & alii testatum reliquerunt. Isti enim per naturam vim omnia praestitisse videri volebant. Unde multoties eos Hecaten invocasse legas, utpote per quam ipsam naturam aut naturam imperatricem denotabant, quod locus apud *EVSEBIVM in Praepar. Evang.* satis superque evincit, in quo Hecate de se,

Τρισόχα Φύσεως συνθήματα τρισσα. Φέργα.

Quin imo quid impedit, qvo minus cum *POSSIO de Orig.* &
Progr. Idol. malos spiritus supra naturae vires nihil praestare, ni-
hil efficere posse nisi ex viribus naturae, quis affirmet. Quid e-
niam qvaeso aliud est, qvam naturalis qvaedam facultas, qvod
potentiam movendi se & alia a se distincta obtineant, elementa
norint impellere & repellere, corpora grandia velut ex Machina
adducere & reducere, dispersa colligere & collecta dispergere,
visibilia occultare, objecta varie disponere, corpora assumere, a-
ctiva passivis applicare, organum ipsum alterare, sensus pver-
tere, & innumera alia efficere, qvae scopo inserviunt suo, qvo
homines fallere contendunt.

S. IV. Qvae omnia ac singula ut ad argumentum nostrum non
parum faciunt, ita digna omnino sunt inqvae rite inquiratur. Plu-
res videlicet ordines sunt illorū qvos produci cernim⁹ effectuum, ad-
mirandorum in primis atq; in usitatorum, qvorum alii solo supre-
mo Numini adscribendi sunt, qvos ob id supra naturales haud in-
congrue dixeris, cum vires naturae consuetas longo post se inter-
vallo relinquant. Alii ab eodem qvidem proficiscuntur Autore,
omnem tamen suam originem, motui a DEO Machinae huic in-
prima creatione impresso legibusqve certis definito debent, ideo-
qve pure naturales appellantur. Alii vero ab his in tantum diffe-
runt, in quantum ab imaginatione, impressione ac persuatione
nostra plurimum dependent, qvarum stupendam vim ne prolixius
pertractemus, instituti nostri ratio non concedit. Atqve hi s
affines admodum illos esse credimus, qui à superstitione proflu-
unt, qvam optime *THEOPHRASTUS in Characteribus & exemplis*
illustrat, & in δαιμονια τρόπος τε δαιμόνιον positam esse vult, per δαιμόνια
alium longe qvā qui pios decet metum intelligens, qvod testimo-
niis ex Maximo Tyrio & Augustino adductis doctissimus ejus
commentator *CASAVBONVS* confirmat. Nonnulli denique ef-
fectus, qvos nulli recensitarum haec tenus causarum tribuere possu-
mus, Daemoni adscribuntur, ac ideo praeter naturalium, imo, qvo
a Divinis tanto magis removēantur, diabolicorum nomine insi-
gniti

gniri conservaverunt. Qvibus & illos annumeraverim omnes,
qvi, et si a causa qvadam naturali evidenter dependeant unice &
proficiuntur, qvod tamen diabolus is se immisceat suamq; ope-
ram praetendat, & Autorem mentiatur, diabolici aeqve ac Ma-
gici dicendi sunt.

§. V. Enim vero qvam frigide qvamq; confuse & mi-
nus accurate, si specialiora reqviras, haec apud plerosq; ve
pertractentur, qvis recto iudicio pollens perspicere non potest?
Qvamvis enim dives admodum auctorum de hoc argumento ha-
beatur copia, ut si numerum eorum, qvi de Magia commentati
sunt inire velis, vix charta caperet, haud tamen ullū nominare lice-
bit, qvi omnia, prout par erat, evolverit ac deinde declararit sigil-
latim. Non jam excurram in omnem Materiae Magicae appara-
tum, qvippe qvem hae pagellae non caperent, sed unum saltem
Vegetabile Regnum in praesens mihi propono, in quo si non o-
mnium, plerorumq; tamen industria defecit, qvandoq; idem pa-
rum, qvantum qvidem sciam, de Plantis Magicis literis consi-
gnaverint, licet earum valde fertilis seges prostet. Namq; ve la-
tere istos non poterat qvam freqvens apud bonos Autores, Poë-
tas in primis, rei huius fiat mentio, ut velexinde utilitas eius satis
aestimari potuisset. Quem enim fugiunt pollentes & malae Me-
deae herbae Tibulli, magicae Lucani, funestae Claudiani, Pro-
metheae Propertii, pubentes Virgilii, Venenatae deniq;e, qva-
rum preventus in Colchide & Thessalia? Cui non dictum Moly
ac Nepenthe Homericum, Hesiodi Polion, stagna & aquas siccans
ac clausa omnia aperiens Aethiopis herba, Deos provocans A-
ngelophotis & Carduus, Asphodelus dulcis manum elca, Iubae
herba & Bali mortuos resuscitans, Theangelis divinatrix, Iuni-
perus atq;e Hypericum daemones fugans, Alyssus, Baccharis,
Adianthus, Satyrlion, Syderitis fascini amuleta? Nec tamen videre
ullum haec tenus contigit, qvi haec ita explicaverit, ut curiosus
lector in iis acquiescere posfit. Qvod eo magis me impulit, ut
capta

capta inde occasione hoc argumentum repeterem altius, consul-
tisqve ipsis fontibus, totum negotium plenius pertractarem.

§. VI. Fateor me initio haut levi perfusum fuisse gaudio,
cum passim apud autores non sine encomio citatos legerem.
HERMETEM, *ORPHEVM*, *MYSAEVM*, *ONOMACRITVM*, *PY-*
THAGORAM, *DEMOCRITVM*, *CLEEMPORVM*, *EMPEDOCLEM*,
KIRANVM aliosqve, qvi omnes Magicas celebrasse herbas di-
cuntur, magnum exinde labori pollicitus solamen. At enim
verospes omnis statim decollabat, cum viderem plurimos horum
temporum iniuria intercidisse, aut si qvae fragmenta supersunt,
dubiae atqve sublestae esse fidei, cum de genuinis corundem au-
toribus plurimum adhuc disceptetur. Nec multo magis expecta-
tioni satisfecerunt, qvi superstites adhuc sunt plantarum scrip-
tores *THEOPHRASTVS ERESIVS*, *PLINIVS*, *APVLEIVS* & qvi ex
his fontibus rivulos suos duxerunt *THEOPHRASTVS PARACEL-*
SVS, *TH. CANTIPRATANVS* Alberti M. Nomen mentitus,
BERNH. G. PENOTVS, *ALEX. SVCHTENIVS*, *LEONH. TVRN-*
HEVSERUS, *CARRICHTERVS*, *MICH. SENDIVO GIVS*, *IO.*
ERN. BVRGGRAVIVS, *WECKERVS*, *PORTA*, *LEMNIVS* & non
pauci alii Herbarum, Mirabilium naturae, ac Secretorum scri-
ptores, qvi utut argumentum qvod tractant, in naturalibus & me-
dicis herbarum viribus atq; effectib; posuisse videri velint, qvae-
dam tamē scriptis suis vel inscii, vel superstitionis labe haud leviter
infecti inseruerunt, qvae Magici qvid sapiunt & praeternaturalis.

§. VII. Ast qvis non videt, difficile admodum nec minus
periculosem esse hic aliqvid firmum decernere? Animo qvippe
oportet accedere & ab omni praeconcepta opinione ac superstiti-
one libero, & scientia Naturali ac Mathematica, imo ipsa meden-
di arte probe imbuto. Id qvod vel exinde colligere licet, qvod
his fere solis natales suos Magia debeat. Cum enim primi, qvi
literis operam navarunt, foli fere syderum contemplationi in-
cumberent, & cum hac Physicam Medicamqve artem coniun-
gerent, semina simul iacta sunt Magiae, ex qvibus in tantum ea,

excre-

excrevit, ut totum orbem lue sua inficeret. Testis huius rei insignis est *PLINIVS*, his ea quae diximus verbis in *Historia Naturali* confirmans: Autoritatem Magiae maximam fuisse, nemo miretur, quandoquidem sola artium tres alias imperiofissimas humanae mentis complexa, in unam se redegit. Natam primum è Medicina nemo dubitat, ac specie salutari irrepisse, velut altiorem sanctiorumque quam Medicinam: ita blandissimis promissis addidisse vires religionis, ad quas maxime etiamnum caligat humanum genus. Atque ut hoc quoque suggererit, miscuisse artes Mathematicas, nullo non avido futura de se se sciendi, atque ea è celo verissime peti credente. Id quod *GRILLVS* quoque in *PLVTARCHI de brutor. solertia libro* vult, Aegyptios dicens, πάντας ιατρούς εἶναι. Ex quo tantum non semper apud hos populos artem Medicam floruisse & sic quod mox demonstrabimus, multum ad hoc argumentum contulisse, facile est perspicere.

§. VIII. Qua de causa etsi tantum mihi non tribuam, ut polliceri ausim, ita totum hoc negotium absolutum iri, ut omnibus numeris perfectum sistere se erudito orbi possit; illud tamen reputans, quod & voluisse in magnis sit satis, & tentare liceat, praesentem hanc operam in Vegetabili sic dicto Regno collocavi, quod finibus suis nil aliud complectitur & includit, quam omne illud corpus naturale quod e terra erumpit, & ita procreatū est, ut vegetet, nutritur atque augescat, suisque radicibus, foliis, caulis, stirpibus, floribus, ramis, surculis, fructibus ac seminibus gaudeat, verbo, id quod neque Animantium neq; Mineralium quae dicuntur Regna ingreditur: perinde atque τὸ Magicum non diabolicum modo, sed & illudomne quod vanam redolet superstitionem hoc loco denotare debet. Dum igitur de Vegetabilibus Magicis commentari instituo, id cumprimis dabo operam, ut si non omnes, plurimas saltim plantas, herbas, arbores, surculos, folia, flores, fructus, semina, quae superstitiosi quid ac vani sapiunt, & quibus fraudum ille artifex hominibus imponit, recenseam,

ac deinceps, quantum per intellectus perspicaciam licet ; effe-
ctuum ipsis herbis attributorum causas inquiram. Ex qua o-
pella nostra non solum qvandam iis accessuram spero utilita-
tem, qvi complura obscuriora scriptorum veterum loca inter-
pretari gestiunt ; sed & multas magicas circa vegetabilium
usum detectum iri vanitates credo, qvibus Physicam nostram
acqve ac Medicinam multum scatere in aprico est, & qvas
PLINIVS in tantum eveetas suo jam tum tempore conqueritur,
ut abrogare herbis fidem cunctis possent.

§. IX. Qvapropter si cui rem ab ovo inchoare animo se-
deret, is quidem me iudice non multum à vero aberraverit,
qvi eius natales in ipso veterum medendi studio primum o-
mnium quaerere velit. Nam ut hujus initium ab Aegyptiis,
qvorum monumenta inter illa qvae supersunt procul dubio an-
tiqvissima, iure meritoqve arcessi debet : ita ab omni super-
stitionis macula haud qvaquam immune pronuntiandum vel
eo nomine est, qvod ab Aegypto profluxerit, qvae fabularum
ac superstitionum mater, ut Africa monstrorum, haberi omni-
no meretur. Qvod vel ex eo colligere licet, si perpendamus,
plurimas Aegyptiis antea ignotas herbarum virtutes in somno
fuisse patefactas. Dispar qvippe horum atqve *ARISTOTELIS*
fuit ratio. Hic enim *de divinatione ex somnis* agens, nulla à
Diis hominibus somnia dari statuit, quasi eorum majestate
indignum sit, abire in lectos dormientium & gravatos concus-
fare. Illi vero de cura alicuius morbi, gravioris praesertim ac
desperati consulturi, anteqvam lecto se committerent, animo
prius rite per lustrationes varias dispositio expiatoqve, Deo-
rum exspectabant revelationes, & secundum eas in debellan-
dis malis se gerebant. Ut vero simplicior paulum principio hic
fuit ritus, sic procedente tempore magis magisq; pluribus aucto-
ritatibus ceremoniis. Postqvā enim successive in majorē pharmaco-
rum vegetabilium pervenissent notitiam, complures plantarum
florumq; sibi revelatorū characterismos ante sepositos, intensa-

fixaq; imaginatione considerabant: deinde cœlum Deosq; carminibus sollicitabant, ut qvodnam ex dictis vegetabilibus ad morbi optimā medelam conduceret, personam monstrarunt. Tum somno captando se accingentes, qvod numen primum in somno iis apparuerit, illius fidei commissam aut qvam aliam indicasset plantam ad depellendum morbum divinitus definitam assumebant. Id qvod IAMBlichus de Mysteriis Aegyptiorum his verbis testatur: ὅτως δὲ οὐκληπίον τὸν νοτίματα τοῖς θεοῖς οὐείρισι πάνται διὰ δε τὴν ταχὺν τῶν νόκτων ἐπιφανεῖν, καὶ ιατρικὴ τέχνη συνέχει τῷ τῷ ιερὸν οὐείριστα. Et ARISTIDES in sacris sermonibus ulterius confirmat.

§. X. Neque vero soli Aegyptii in Isidis, Osiridis, Aesculapii Aegyptii, qvod circa littus Crocylorum fuit, Serapidis item ut & Haephestionis seu Vulcani, Pasiphaës fanis hunc morem celebrarunt, sed & idem Græcis pariter atqve Romanis familiare admodum fuit. Hoc enim animo atqve consilio freqventer dormiebant in eo præcipue qvod Cous Insula tenuit Aesculapii templo, de qvo ARISTOPHANES in Pluto:

Ἐγὼ δέ, καὶ σύ, ὡς ταχίστα τὸν δεῖν

Συκατακλινῆγετ' ἀγωμένης οὐκληπίον.

Quem ritum PLATVS in Circulione latino idiomate ferme expressit; id eo fit, quia hic leno aegrotus incubat in Aesculapii fano. Atque idem illud facere solebant in eo fano, qvod Pergami Asiae urbe fuit, qvo profectum Antoninum Caracallam HERODIANVS refert, χρήσασθαι Βυλόμενον θηραπείας τὸν οὐκληπίον. nec non Oropii in Amphiaraï templo, de qvo PAUSANIAS in Atticis ait: Κριὸν θύσαντες αὐτῷ, καὶ τὸ δέρμα ὑποσρωσάμενοι καθεύδειν ἀναψέοντες δίγλωσσον οὐείριστος. Ex qvibus autorum testimoniis elucescit clarus, qvam egregie sibi respondeant Graecorum κατακλιτοὶ & Latinorum incubare Diis, illorum δέρματα & horum lectisternia, qvae omnia ad istam in templis dormiendi consuetudinem, & divinas per somnia captandi revelationes ritum respiciunt. Enim vero ad qvam vulgatarum trium somniorum classem haec ipsa pertineant, iudicent ii, qui norunt qvam pervertus

ac idololatricus Deorum istis temporibus cultus invaluerit, & qualem honore illo affecerint gentiles. Nullum quippe mihi est dubium, daemonem sui hic neutquam fuisse oblitum, sed partibus suis maxime intentum, hanc tam commodam & per opportunam cepisse occasionem, naturalem aequem scientiam ac medicam pessimis superstitionibus defoedandi. Qvod & ipse *BORRICHIVS*, accerrimus alias *CONRINGII* nobiscum sentientis antagonista, *libro de Hermetis scientia fateri* necesse habet, atque ob id potius miseriis harum a vero numinis cultu alienarum gentium indolendum esse censet. Nimis tamen rigide de his somniantium pharmacis pronunciasse videtur *KIRCHERVS* in *Oedipo Aegyptiaco*, quando, et si haec medicandi ratio subinde in conclamatis etiam morbis mirificos effectus sortita fuerit, nequaquam eos naturali herbarum virtuti & proprietati, sed occulto daemonum pacto & commercio, quo sese obstrinxerant, adscribendos esse duxit. Quanquam enim plerumque ea, quae symboli tantum loco potuerint esse, indica ta fuerint, vim ipsam curandi suppeditantibus daemonibus, nullus tamen asserere dubitabit, quaedam illorum remediorum naturali quandoque modo egisse, & vim ac efficaciam suam exeruisse.

§. XI. Atque sic mediocrem aliquam vegetabilium notitiam adepti Aegyptii, non acqieverunt in somniis, sed ulterius etiam progressi sunt. Elegerant nempe sibi ex iis qui somniantibus apparuerant, decem praecipue Deos, quos ad revelanda praesentissima morborum remedia sollicitabant. His singulis singulos dicarant numeros, monadem supremo Numini & causae causarum, dyadem Nephtae, triadem Minervae, tetradem Apollini sive Horo, pentadem Isidi, hectadem Osiridi, heptadem Mercurio, octadem Ammoni, enneadem Typhoni, decadem denique Momphae, & sic de ceteris quoque numeris Diis consecratis statuerane. Inde videbant, quem numerum exprimerent herbarum florumque folia, fructuum nuclei,

nuclei, thyrorum internodia, eaque; postea illi Deorum, cuius numerum referebant, velut propria atque; sacra dicabant, ac sub ejus tutela conservabant. Nec numerū solum attendebant, sed colorē insuper atque figuram in floribus & plantarum thysis sollicite observabant, & num haec rotunda, teres, trigona, tetragona esset, rite disquirebant, sicque hos thysos veluti sceptrā convenientibus numinibus sacrabant, ut ex *Bembina* apud *KIRCHERVM Tabula* ulterius probari potest. Qvibus rebus & ceremoniis juxta analogiam dictarum rerum adhibitis, mirandos se praestare posse effectus credebant, qvod praeter alios *PROCLVS* nobilis Platonicus de *Sacrificiis & Magia* confirmat, dum sympathia qvadam mutua & cognatione rerum terrenarum ad coelestia, mira effici posse afferit: ideoque sacerdotii veteris autores miscuisse plura invicem putat, qvia videbant simplicia nonnullam habere numinis proprietatem, non tamen sigillatim sufficientem ad numinis evocationem. Qvam ob rem ipsa multorum commixtione eos attraxisse supremos influxus tradit, nonnunquam tamen herbam unam vel lapidem unum suffecisse ad divinum opus existimat, addens, in lapidibus & herbis lumen supernorum esse participationem.

§. XII. Ulterius id ipsum evidenter demonstrant decantatae apud Aegyptios herbae Hermeticae Horoscoporum, qvorum si *ORIGENI* atque; *STOBÆO* credimus, triginta sex numero fuerunt. Cum enim corpus humanum in totidem divisorunt partes, singulis singulos five Deos, five daemones, five si cum *GALENO* & *I. M. FIRMICO* mavis, decanos tribuerunt, qvorum qilibet sanitatis membra sui curam gereret. Qvam si amissent, qvolibet in suae partis curationem nomine sibi proprio invocato, herbaque sibi dicata placato, recuperari posse sibi persuadebant. Nolo interim eam litem meam facere, qva de Decanis corumque numero inter se dissentunt *FIRMICVS*, *HEPHAE*

PHASESTION THEBANVS, atque *MANILIVS*, utrum sex & triginta soli fuerint, ternis semper cuilibet Zodiaci signo adscriptis, an vero plures, aut qvilibet horum saos munifices vel synergos sub se habuerit, id adduxisse contentus, fuisse illos secundum duodecim Zodiaci signa distributos, infinitae in membra totius corporis humani potestatis, atqve certis qvibusdam herbis, qvashoroscoporum vocare solebant, demulceri solitos. Qvin imo proprium ac solenne perqvam fuit non solum singulis signorum imo syderum suas adsignare plantes, sed & referente *ABENRAHHMON* Philosopho Arabe, in usum medicinarum ex omnibus naturae speciebus & gradibus entium eas ros scilicet, qvae aliquam similitudinem & proprietatem cum septem Planetis obtinerent. Exempli loco omnes species, qvae aliquam similitudinem ad Solem haberent, felicebant ex Mineralibus, metallis, lapidibus, animalibus, plantis & herbis, atqve ex iis qvae influxum earum concernunt, proprietatibus, ex operationibus denique omnibus rerum solarium in usum medicinae cordis, qvia cor est quasi sol quidam minoris mundi, adaptabant; qvae prolixius adhuc apud *IAMBlichVM de Mysteriis Aegyptiorum*, *MARSILIVM* item *FICINVM de Vita coelitus comparanda* legi possunt.

§. XIII. Ecquis vero non videt, varias exinde exortas esse Botanicorum vanitates, qvarum haud postrema ea est, dum anxie adeo qvaerunt in stirpibus vim aspectum sidereum medicam, ex qua deinceps enata superstitionis illa herbarum collectio, ubi cuncta secundum influxum astrorum colligi in pratis iubentur. Cui pravae vanaeque consuetudini non refragantur illi, qui in Ioannis Festo effossis Hyperici stirpibus, in sacro Martini anniversario abscissis surculis Cerasi sylvestris, Sole in Virginis signo, Luna crescente hora merid. XII. ligno sympathetico, qvod traxini est, fisso, excellentiores longe in esse vires putant, cuius rei exempla plura suppeditant *REINESIVS* i^o var. lect. *FREITAG*, noct. med. *MAXVELLV* Medicin.

Magn. et.

Magnet. GRVBIVS Arcan. medie. Qvo ipso tamen non omnes syderum, Solis praecipue ac Lunae in haec corpora actiones, saltim generaliores, exclusas volo, praesertim cum ipso solstitio salicis, populi albae, ulmi, tiliae, oleaeq; folia faciem alteram coelo obvertere, *KIRCHERVS* evincere conetur, & solisq; varum ac lunarium apud *GESNERVM* herbarum exempla non pauca obvia sint, manifesto harmoniae cum suo sydere documento. Multo minus omnem sedulam accuratioremq; planitarum statis temporibus evulsionem, qvam fana dictitat ratio, reiicere vel improbare contendit, id tantum cum *CONRINGIO* evincere cupiens, posse quidem syderum ortus, occasus, positusq; pro limitibus variorum collectionis temporum haberi, sed ipsam illam operam certis alligare velle diebus, horis, imo minutis, id omnino superstitionem olere, atq; ab Aegyptiorum circa idem illud argumentum doctrina haud qvaquam abhorrere. Qvam egregie explodit salseq; his verbis perstringit *HELMONTIVS* in dispensatorio moderno, non defuerunt, inquiens, qui immensum Catalogum morborum in signa Zodiaci restulerunt: cuius numerus cum nimis angustus esset, unumquodque signorum in triplicem sectionem ampliarunt, ut scilicet omnes herbarum vires in 36. dividerent, & cogerent arcto stabulo. Terra enim ex se producendi herbas virtutem habet seminalem, qvam proin non e coelis mendicat. Qvibus subjungit: Elenchus itaque esto, effectus causis tribuisse, quae nil prorsus causae simile in se possident. Ad istam tandem plantarum in septem planetas distributionem quid dicam non habeo, nisi, qvod eam ipse planetarum numerus satis superq; confutet.

§. XIV. Neq; tamen omne in inqvirendis vegetabilibus Aegyptiorum studium ad Magiam referre fas est, siq; quidem illum conatum non possum non magnopere approbare, qvo mediante sentium externorum ope de praestantia herbarum, iudicarunt. Qvin imo non erraverit, qvicunq; eos resenti-

centiorum curam multis modis superasse dixerit, dum praeter saporem & odorem, quos fere solos a Botanicis nostris adhiberi videoas, illi quoque auditum visum, & tactum in subsidium vocaverunt. Auribus nimirum ex sono, cum percuterent plantas, acuto, gravi, tinnulo, obtuso, aspero, leni de compaginatae stirpis temperamento; manibus ex laevitate, asperitate, mollitie, hirsutie, duritie, scabrositate; oculis denique ex variis coloribus de virtutib⁹ sub his integumentis latentibus iudicarunt, & sic constituto recte sensuum iudicio, haut incerto argumento effectus vegetabilium colligere ac cognoscere potuerunt.

§. XV. Verum enim vero quo rectius sese in hoc negotio gesserunt, tanto turpius ex omnium illorum qui plus sapere volunt sententia, in eo se dederunt, quod etiam per occulta similitudinum sigilla singulis rebus impressa, ante allegatas vires fuerint scrutati. Studiose scilicet singularum planitarum characteres observabant, & cuinam humani corporis membrorum ii responderent, idemque exprimerent melius annotabant; eam postea illi membro maxime consentaneam esse putantes plantam, quae figura sua extrinseca, & analogā quadam signaturā id expressisset. Sic Paeoniae flores calici adhuc inclusos, Papaveris item capita capiti dicarunt, quod eius quaedam rudera repraesentarent: sic Euphrasiām, Caltham, Hieracium, Anthemin oculis conducere existimauit, quod nescio quid oularis rudimenti in illis reperiunt: Dentariae radicem dentibus, Anthorae cordi, alias aliis attribuerunt membris, quas omnes studiose collectas CROLLI exhibit Catalogus. Si quam itaque herbam, Cygnosorchin v. g. genitalibus similem quoad figuram apprehendissent, eam generationis affectibus mederi certo certius sibi persuadebant, siquidem occulta sua signatura numen illud quod genitalibus praecesset, advocari credebant

§. XVI.

§. XVI. Pari qvoqve ratione herbarum succos, qvi succosive humores humani corporis colore referebant, in illius humoris peccantis purgationem adhibebant. Hinc croceis plantarum liqvoribus bilem flavam, atris, purpurascensibus aut coeruleis nigram, albis pituitam, rubris sanguinem, laetescensibus lac & sperma volebant curare. Ex qvo colligere licet, hanc scientiam, non ut multi, qvos inter CONRINGIVS, putant, a recentioribus inventam, sed C. AGRIPPA & QVERCETANO testibus, ex orientalium monumentis denuo resuscitatum esse, cum apud DIOSCORIDEM & PLINIVM documenta huius rei inveniantur clarissima, adeoqve ex Aegyptiorum nugis, si qvas alat vanitates, attraxisse. Fateor eqvidem, me hic iudicium aliquandiu libentius suspendere malle, qvam certi aliqvid circa hoc de signaturis rerum argumentum decernere. Etsi enim ejus adversarii obiiciant, seqvi ex hac, Anacardii e. g. fructum esse optimum cordiale, poma omnia egregium Cephalicum, pruna Aphrodisiacum, Esulae succum optimum lac generare, nil tameneo obtinent, qvam ut iis oggeratur qvaestio, qvam diu sit, qvod Mercurius, Antimonium, Cinnabaris, Coriandri semina &c. ex venenorum catalogo exempta fuerint? Ut admodum placeat BORRICHIVS lib. de Hermet. Aegypt. & Chemic. Scientia ita differens: Esto, non videantur responderem eventui figurae omnes, certe ignaviae, si verum fateri libet, humanae est, non accuratius adhuc inquisivisse, nequaquam signaturae divinae, qvam nihil otiose praeformasse existimandum.

§. XVII. Sunt haec prima qvasistamina, ex qvibus Magica de vegetabilibus doctrina in tantum excrevit, ut latissime pateat, nec arctis his limitibus queat comprehendendi. Qvam utrum auxerit ipsumqvoqve Aegyptiorum solum, qvod inodora mera protulisse, & medicamentis vere naturalibus parum abundasse evincere vult CONRINGIVS, pluribus dispicere non vacat. Certent qvam diu velint inter se autores, nos illos qvi

plura desiderant, ad edita sa *KIRCHERO*, *ALPINO*, *VESLINGIO*, *BORRICHIO*, aliisqve plantarum Aegyptiacarum indices
ablegamus, ex qvibuscuique libera relicta erit decernendi fa-
cultas. Ceteram cum iam ipse latissimus Vegetabilium Ma-
gicorum campus aperiendus sit, doleo me chartae angustiis ex-
cludi, qvo minus qvicqvid de his omnibus consignavi literis, ca-
dem opera repraesentem. Sunt vero ex illorum ordine, ut no-
mina saltim praecipuorum strictim recenseam, fugantia dae-
mones Salvia, Veratrum, Iuniperus &c. fascinum depellantia
Adianthus, Ruta, Sideritis &c. ad sacrificia, custodias, nu-
minum apparitiones pertinentia Absynthium, Ricinus, Cnebi-
son, Scordotis, &c. Sepulchralia & manes evocantia Aspho-
delus, Osirite &c. ad divinandum & vaticinandum adhibita
Laurus, Theangelis, Halicaccabi, Bellonaria, Vatica &c. infa-
niam, lymphantones, somnia inducentia Stricknon, Thalasse-
gle, Gelotophyllis, Sesamum, Nectanebi herba &c. philtra &
amatoria pocula ingredientia Oliva, Mandragora, Catanance,
Cemos, Anacampferotis &c. Pecudes obstupefacentia The-
rionarca, Ficus, Eryngium, Oenotheris &c. Superstitione
medentia Hieraceum, Theombrotium &c. imo ab ipsa mor-
te resuscitantia Bali, Juba &c. mirandorum & incredibilium
effectuum multa alia Myops, Zaolus, Adamantis, Coriacea,
Achaemenidon, Latace, Victorialis. &c. Paucis, qvicqvid ad
Botanomantiam ullo modo referri potest, id omne se-
quenti cura, si tempus & fortuna concesse-
rint, explanabo.

S. D. G.

